



Broj: 10/E-11-483/26
Sarajevo, 16-03-2026. godine

Na osnovu člana 70. stav (1) i (2), i člana 72. stav (3) tačka a) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Kabineta općinskog načelnika – Odsjek za javne nabavke, Općinski načelnik, donosi:

O D L U K U **o dodjeli ugovora drugorangiranom ponuđaču**

I Ugovor za nabavku usluga redovne dezinfekcije, dezinfekcije i deratizacije za objekte u vlasništvu Općine Centar Sarajevo i ostalih prostora Općine Centar Sarajevo, dodjeljuje se drugorangiranom ponuđaču „**SANACIJA 3D**“ d.o.o. Sarajevo, koji je dostavio prihvatljivu ponudu broj: 09-03/26 od 23.02.2026. godine, sa ponuđenom cijenom u iznosu od **7.926,80 KM bez PDV-a**, odnosno **9.274,36 KM sa PDV-om**.

II Odluka o dodjeli ugovora drugorangiranom ponuđaču donosi se nakon što prvorangirani ponuđač „**DERATIZER**“ d.o.o. Sarajevo, u ostavljenom roku definisanom tačkom II dispozitiva prethodne Odluke, nije dostavio dokaze o ličnoj sposobnosti iz tačke 7.1. i 7.1.2. tenderske dokumentacije, a shodno članu 45. Zakona o javnim nabavkama BiH.

III Ovom Odlukom stavlja se van snage i prestaje da važi Odluka o izboru najpovoljnijeg ponuđača broj: **10/E-11-483/26 od 05.03.2026. godine**, kojom je predmetna nabavka bila dodijeljena ponuđaču „**DERATIZER**“ d.o.o. Sarajevo.

IV Ova Odluka stupa na snagu danom donošenja i objavit će se na internet stranici ugovornog organa (**www.centar.ba**), istovremeno sa upućivanjem obavještenja ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

O b r a z l o ž e n j e

Postupak javne nabavke usluga redovne dezinfekcije, dezinfekcije i deratizacije za objekte u vlasništvu Općine Centar Sarajevo i ostalih prostora Općine Centar Sarajevo, putem konkurentskog zahtjeva za dostavu ponuda, pokrenut je Odlukom Općinskog načelnika o pokretanju postupka javne nabavke, broj: 10/E-11-483/26 od 09.02.2026. godine.

Predmet nabavke nije podijeljen na lotove.

Procijenjena vrijednost javne nabavke bez uračunatog PDV-a iznosi 8.000,00 KM.

Obavještenje o nabavci 848-7-2-25-3-58/26 objavljeno je dana 11.2.2026. godine na Portal javnih nabavki (www.ejn.gov.ba).

Komisija za nabavku roba, usluga i radova II (u daljem tekstu: Komisija II) imenovana Rješenjem Općinskog načelnika broj: 10-45-163/25 od 05.03.2025. godine dostavila je Općinskom načelniku Zapisnik o pregledu i ocjeni ponuda broj: 10/E-11-483/26 od 03.03.2026. godine sa preporukom o izboru najpovoljnijeg ponuđača.

U Zapisniku o pregledu i ocjeni ponuda konstatovano je da je Komisija II blagovremeno i pravilno izvršila javno otvaranje, pregled i ocjenu pristiglih ponuda, o čemu je sačinila odgovarajuću dokumentaciju u kojoj je utvrđeno sljedeće:

- da su u predmetnom postupku javne nabavke zaprimljene **2 (dvije)** ponude;
- da nije bilo neblagovremeno dostavljenih ponuda;
- da su ponude ponuđača **„SANACIJA 3D“ d.o.o. Sarajevo** i **„DERATIZER“ d.o.o. Sarajevo** ocijenjene kao formalno-pravno, tehnički i ekonomski prihvatljive, s obzirom na to da su ponuđači dostavili sve tražene dokaze u skladu sa tenderskom dokumentacijom, čime su potvrdili ispunjenost uslova kvalifikacije i kriterija za dodjelu ugovora.

Svi ponuđači koji su učestvovali u postupku javne nabavke su, blagovremeno i na način utvrđen tenderskom dokumentacijom, obaviješteni o izboru najpovoljnije ponude, a u skladu sa članom 71. Zakona o javnim nabavkama.

Izbor je izvršen primjenom kriterija za dodjelu ugovora koji je definisan u obavještenju o nabavci i tenderskoj dokumentaciji.

U skladu sa članom 71. stav (2) Zakona o javnim nabavkama BiH, svim ponuđačima je uz Obavještenje o rezultatima postupka dostavljena Odluka o izboru broj: 10/E-11-483/26 od 05.03.2026. godine, kao i Zapisnik o pregledu i ocjeni ponuda broj: 10/E-11-483/26 od 03.03.2026. godine.

Nakon prijema Obavještenja i Odluke o izboru, prvorangirani ponuđač **„DERATIZER“ d.o.o. Sarajevo** nije, u ostavljenom roku i u skladu sa tačkom II dispozitiva navedene Odluke, dostavio Ugovornom organu originale ili ovjerene kopije dokaza o ličnoj sposobnosti iz tačke **7.1.** i **7.1.2.** tenderske dokumentacije, a shodno članu 45. Zakona o javnim nabavkama BiH. Navedenim dokazima ponuđač je bio dužan potvrditi tačnost podataka navedenih u Izjavi o ispunjenosti uslova iz člana 45. stav (1) tačke od a) do d) Zakona, što u konkretnom slučaju nije učinjeno.

Štaviše, ponuđač **„DERATIZER“ d.o.o. Sarajevo** dostavio je akt pod nazivom Obavijest, broj: 69/26 od 11.03.2026. godine, kojom informiše Ugovorni organ da ne posjeduje svu potrebnu dokumentaciju koju je bio obavezan dostaviti.

Predmetna obavijest je uredno potpisana od strane ovlaštenog lica ponuđača i ovjerena pečatom.

S obzirom na navedeno, Ugovorni organ je, primjenom člana 72. stav (3) Zakona o javnim nabavkama BiH i u skladu sa tačkom 9.9.3. tenderske dokumentacije, ponudio zaključivanje ugovora drugorangiranom ponuđaču **„SANACIJA 3D“ d.o.o. Sarajevo**.

Aktom broj: 10/E-11-483/26 od 12.03.2026. godine, od navedenog ponuđača zatražena je pisana saglasnost za zaključivanje ugovora za predmetne usluge.

Ponuđač **„SANACIJA 3D“ d.o.o. Sarajevo** je dopisom broj: 09-03-S/26 od 12.03.2026. godine dao saglasnost za prihvatanje i potpisivanje ugovora o pružanju usluga redovne dezinfekcije, dezinskcije i deratizacije za objekte u vlasništvu Općine Centar Sarajevo i ostalih prostora Općine Centar Sarajevo.

Konstatuje se da je drugorangirani ponuđač **„SANACIJA 3D“ d.o.o. Sarajevo**, uz svoju ponudu broj: 09-03/26 od 23.02.2026. godine, već dostavio ovjerene kopije dokaza o ličnoj sposobnosti iz člana 45. Zakona o javnim nabavkama BiH, te da su isti u trenutku dostavljanja bili validni i u skladu sa zahtjevima iz tenderske dokumentacije, čime je ovaj ponuđač u cijelosti ispunio obavezu iz tačke 7.1. i 7.1.2. iz tenderske dokumentacije.

Cijeneći naprijed navedene činjenice i utvrđeno činjenično stanje, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke, shodno članu 101. stav (5) tačka c) Zakona o javnim nabavkama („Službeni glasnik BiH“, broj 39/14, 59/22 i 50/24).

Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.

Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.



Dostaviti:

1. Ponuđaču: „DERATIZER“ d.o.o. Sarajevo, ulica Ramiza Salčina broj 2, 71000 Sarajevo
2. Ponuđaču: „SANACIJA 3D“ d.o.o. Sarajevo ulica Nadežde Petrović broj 18DO, 71000 Sarajevo
3. Službi za zajedničke i tehničke poslove
4. Kabinetu općinskog načelnika – Odsjek za javne nabavke
5. Službi za finansije
6. U spis